



10491

鐵夫廿七歲小像

靈石何道生書



淵雅堂編年詩藁

像一

癯于野鶴勁于竹眼光射
 人心氣足撐腸拄腹五千
 軸少乖何必美如玉白描
 從寫神仙骨龍眠手中紙
 一幅傳世預留真面目文
 成坐看人爭讀李杜生前
 無此福

遂寧張問陶



受業屈培基寫

楊亦三十七歲小像 星衍



楞伽山人初集告成輒為寫照於前以當

題序乾隆辛亥秋八月繆炳秦圖

淵雅堂編年詩彙

像二

伊人青雲姿鐵面道氣益晏嬰不六尺清癯出侗儻
孤松取山寒瘦鶴破秋森晶晶兩眸子遠矚巖電晃
吾交湖海士拜此十年長媚學耻膚受立身不尺枉
矯俗勵清狂推心見忠諫文章持其餘浩浩無北塊
此皆畫所遺丹青不能仿如弟以貌論子羽在吾黨
相者况舉肥之子孰心賞索君形骸外儕輩殆無兩
作詩補頽豪知言聊拊掌

乾隆甲寅三月廿日大庾李如筠



楊甫先生四十七歲小像

金遺錢泳題



陽山華冠寫

淵雅堂編年詩彙

像三

識高於頂智過其軀此王公孫之村
而渺小丈夫其文能動
天子而為有司之所黜其行不媿古
人而為時俗之所嫉或曰君曷少自
貶焉而君弗屑也烏乎此鐵夫之所
以為鐵也

南城曾煥讚



習用先生五十七歲小像

江沅篆



淵雅堂編年詩彙

像四

剛峯之剛乖厓之乖古有其人舉
 非出字曰表德坦然勿疑猗嗟
 鐵夫自命何如謂可悔耶義有弁
 扶謂无欲耶子曰無徒錯己莫鑄
 躍果非祥今其衰矣聊善而藏一
 却一笠一我相將

楞伽山人自讚

樸華溪居士錢泳書



淵雅堂編年詩藁卷一

長洲王芑孫念豐

辛卯

擬漢九曲歌

蟾蜍戀東烏戀西昨日之日成古時

擬魏武帝短歌行

來日大難去日如何左樽右缶如何不歌嗟乎長路誰
同我者萬里在前起秣我馬悠悠此身忽焉至今有嚶
其鳥尚集于林孰求友生匪德是慕關河縣邈聞之風
露時不我與庶幾能來借曰未艾盤燭旣灰悠悠我思
淵雅堂編年詩藁 卷一 一

太行

登宣城南樓

黯黯青山入倚樓騎鯨客去我來遊無人與說登臨意
鍊遂一聲江月秋

送遠二首

行李太匆匆尊前燭淚紅風霜千里道江海一孤蓬暮
色催人別離憂逼歲窮送回頻悵望傑閣倚長空
急雪竟終夕蕭蕭未肯停此時江上看應失數峯青貫

酒尋荒市抽帆問短亭客心知不定還復憶家庭

壬辰

燈夕微雨

歲事吾鄉好銀花照滿衢此燈知更甚此雨亦同無入市千頭橋當門兩樹榆音書斷羣從寂坐對紅鑪

遊鼇峰

討春恣幽尋凌高就森爽魚鼓聞無聲禪堂晝虛敞不知山風來但聞山葉響

登南樓作

高閣臨城下俯谿平看斗柄壓闕低半天風露三更笛

淵雅堂編年詩彙

卷一

二

滿地關河五夜雞小醜昔年遺徽外大軍昨日下巴西

時方有金川軍事

班超投筆心情在雄劍中宵嘯鸛鶴

癸巳

秋懷

一昨清霜點碧峰當空飛出玉芙蓉匣中古色千

平年聲

劍燈下秋心半夜鐘地迴風雲盤鸛鶴江寒星月弄魚龍欲從高處舒長嘯暫洗衡門瀟落容

送弟

翼孫

赴山東二首

有序

時先大父自宣城病歸定居烏雒橋東之餘香閣旋歿家大人方館萊州其年冬翼孫遂有是行

送爾青齊去臨風一浩歌飢寒爭志業少小閱江河孤
賤難爲好光陰莫浪過男兒有心事幾輩竟蹉跎
定省君驅馬衡茅我閉關堂前一尊酒足底萬重山意
氣文章外艱難去住閒看雲眠白日及早附書還

雜言七首

丹山鳳九子下上鳴歸昌翩翩在桑鳩將雛以翔翔美
人泰山陞欲往川塗長川塗詎云遠日暮河無梁登臺
一高眺齊魯空青蒼天風蕩然來關山變新霜肅肅感
行邁言念裘與裳安能凌紫氛鼓翼從飛揚

臨觴不能御素月皓如水眷言同生人瞻望隔千里昨

淵雅堂編年詩彙

卷一

三

者遠人來開函得雙鯉謂言萊子國先秋朔風起嗟子
季行役勉旃篤行李飢寒奪親愛長大惜年紀可憐眷
令心縷縷在一紙上言加餐飯下言詳視履

吾生寡諧比抱書鮮學問與子結綢繆願言奉規訓如
何暫相諛背面生瑕釁謝君藥石心菲躬實多疚君當
念溫柔吾當守沖遜隙末諒難安勛子以廉藺朗詠谷
風詩吁嗟勿復論臭味草木知檐梅破新韻

蘭釭耿虛壁貧女抽機絲爛然七襄錦厥筐登王墀上
焉爲衣被下者供彰施十日下一匹常恐秋風吹夜寒
剪刀澀龜手不敢遲手龜所不辭多恐非時宜時宜壓

金線貧女非所知

陸離佩長劍出匣快擊刺不用三韜之懋向牀頭置區
區蛟與蛇神鋒莫輕試需此會有時大易貴藏器人心
本夷然恩怨皆外至百感攫靈明客氣始用事庶幾具
鑪錘衾景默修治磨厲以廉隅鎔冶以仁智

正聲曰微茫說詩迷素陶矩備誠弗良墨守詎云善言
者心之聲造端自謠諺本茲忠愛心所處無正變靈均
在成周還當雅材擅歡愉必難工後儒護偏見欣戚時
爲之豈其風格判諒哉敦厚規騷雅旨一貫

蘭蕙生中林離離被霜雪蒿蕭不擇處得地自森鬱從
淵雅堂編年詩藁

卷一

四

來根性殊久甘榮悴別俗士愛高官達人貴奇節無憑
取兼營有勇事一決溫飽徒蚩蚩諒非意所屑好德視
之躬五福已居一俯仰苟無慚吉祥萃虛室致遠未敢
言寧靜守吾拙

甲午

送陳韞菴先生

奎耀

赴宣城教諭四首

銅官西去路彎環滿載春風出故關到日門生三四百
一時齊拜絳紗間

制義宗風起積衰先人遺澤口成碑諸生更莫愁難繼
定有文章替左司

先大父在官三載
諸生尚有去思

宛陵自昔盛歌風依舊梅家住水東暇日蒐羅到文獻

借鈔休忘聽山翁

梅耦長庚遺集後人不能刊布予嘗見其手稿前有朱錫鬯題墨數行卽

曝書亭集中題卷詩也

無數梅花繞學宮至今清夢逐東風

學舍梅樹最多

他年重訂

扁舟約遲我溪聲山色中

南園春眺

行吟不知遠落日步郊原芳草碧雙屐桃花紅一邨古
牆空礙路野店強名軒尙欲尋僧去前溪叩竹門

買書

王生愛書如愛玉盡日摩挲看不足王生買書如買山

淵雅堂編年詩藁

卷一

五

倒囊不辦青銅錢宿逋未了益新債擁絮披吟亦差快

朝來曠雪哦殘編掉頭不問厨無烟浩歌微吟致纏綿

古人恍惚相後先九原忠佞趨吾前公然放筆作論斷

時與天地扶輿輿之氣相迴旋人言讀書蓋有命病

者有書讀不竟少年不學困蒙吝垂老讀之需眼鏡斯

言可供座右銘吾今不老亦不病生年二十居無儔出

亦愁入亦愁神仙天上烏可求高車大馬非長留不如

蒐遺訪闕便自一室羅九邱不如誅詖衷直自憑一氣

凌千秋此中汗漫亦抵娜嬛宛委世外逍遙遊遊心太

古思黃農遊藝遐追韻籀兼斯邕五三六經廿一史漁

獵恣肆無春冬學成豈無出山意所願持獻蓬萊宮許
身雖愚不自耻治效古在書生中讀書負國非英雄不
然著書以老一手窮力開鴻蒙藏之名山貽諸來者亦
足披豁萬古之心胷

乙未

有懷桐鄉孔秀才

昭華

憶昨宣州月南樓詠夜涼誰持今夕酒不斷昔年腸梅
雨深苔逕桐花響石牀美人何處所雲水遠相望

秋齋感興二首

涼風厲亭臯吹我梧桐枝援琴抱明月渺渺云誰思升

淵雅堂編年詩叢

卷一

六

沈致難料修短未可期翩然青雲士悵望來何遲臨風
再三歎彈我相思辭辭長調亦古停絃更躑躅古調誠
自高所恐今非時今聲能移人所愧知音知

娟娟芙蓉花濯濯清江姿采之不堪贈露華盈手滋離
合亦定分所戀非思私眷言名山業斯文待維持滔滔
東流水砥柱不可移孰將雄直氣扶輪起衰疲儒生世
有萬而我生斯時茫茫百年身了了千載期

吳錫康

晉元

屬題印譜

周璽秦符古官守東西漢以斗檢封瓦當文字間出土
亡慮陰四陽凸與印爭重如球玨魏晉而還製私印其

製撥蠟雜用金鐵銀鏤銅其文大小繆篆參錯入蝌蚪
其紐龜蛇獅虎夔螭龍至今遺刻昧誰某跟肘斷蝕猶
復拙而巧奇而工一一駘宕而春容說文爲部五百有
四十說篆說印畫界如春冬吾思六書學要於金石微
信從士能書之弗能刻毛錐三寸嗤章縫試思古人佩
雜佩嚮遺有諄芄蘭童岫樓之碑杳難問丕若周有歷
年臣籀石鼓歸峙羅闔靡外此範金欵識尙餘一二瑀
戈鉤帶尊彝敦卣區釜鍾韋續體分五十六未免麗雜
徃徃軼出難稽窮信知金石不擇字安有爲印爲篆彼
種種者門類分其中二徐塗竄許氏語挂漏錯雜無人

攻印文朱白固無定曲說簧鼓欺凡庸周官攻金攻玉
備六職移之於印曷異雕璋琮旣不擇字焉擇物鸞飄
鳳泊隨勢起落爲衡縱保氏六書意賅徹上溯宍義一
畫開鴻濛要得湯盤孔鼎本來肅穆精淳氣學者於印
尋印終愚蠢一自東京派歧出車渠琥珀若犀若象凡
可鐫削咸牢籠有唐此道頗不振白家詩裏但取耀手
丹砂紅會稽王冕最晚出創法自號煮石農沿元迄明
三百載中間能者大抵弄石幾欲鑿破萬朶青芙蓉當
時好醜自不一卓爾大雅未有其人逢宋則有若顏與
晁復齋印格白石印譜編重重元時風格渺不墜鷗波

翁繼吾邱翁史家漏略不收采志乘漏迫無全功

歷代經籍

志無吾鄉文沈有代緒小顧顧苓云美突出亦似驍驍行地

一洗凡馬空陽山陳炳虎文凌雪徐夔龍友後起競蒼秀袁顧蔣

桂努力僵汗思爭雄眼中惜無鏤冰手與論流別明初

終吳君吾臭味少小勤磨礪神清格老秀在骨依然肉

好彌覺姿丰穠求君刻印越三載逡巡不應如癡聾乃

今幡然爲我作作之不止不復思韜鋒一似佳人抱明

月含情掩映花惺忪翩何珊珊而至拂臣羅袖懷春濃

我聞能事不受相促迫但遇識者施手百倍加玲瓏暇

持一卷出相示大者龍鸞宛轉細亦錯落爲魚蟲惜君

淵雅堂編年詩彙

卷一

八

贈躋年四石田耕老獲不豐祝君自信還自勉勿以

心孤藝絕潦倒之故乘疎慵此事有功藝苑不得以藝

視特欲證之經史謀之神鬼技進乎道乃克爲世宗匠

宗矧君兼治活人術吳近爲醫岐黃運會正與玉券十華靈

書八會相涵融古稱黃神越章道家辟邪印攜之入山

尙足驚走山魃木客諸魔凶君能和合此二柄刀圭刀

筆到處皆神通會見疫妖瘴厲逃雷避電迅掃隨秋風

我詩盤硬字崛強差喜創獲非雷同感君謬有不朽託

以君心印印我上下千秋衷

丙申

小樓坐雨四首

養花天氣雨絲絲
小閣焚香坐詠詩
簾外穿花雙燕子
春泥銜得墮花枝

橫塘昨夜上春潮
醞釀陰晴又幾朝
生怕杏花消息緩
不嫌終夕雨蕭寥

月昏雲薄夜窗虛
只有山梅伴索居
賦就春燈好誰賞
矮牋濃墨幾番書

玉房珠館思無聊
睡鴨熏鑪宿火燒
獨忍春寒遣長漏
漏聲聲換燭條條

崑山半繭園作

淵雅堂編年詩藁

卷一

九

水部園林在佳名
託賦傳偶來逢勝地
恰趁放晴天
小榭飛紅雨
平蕪剪綠煙
玉山壇坫盛
高詠想當年

春燕詞四首

尋泥無力受風斜
兩起雙飛共蹴花
少婦春來正愁思
莫教輕易入盧家

紗窗晝掩繡堂深
絮語商量去住音
梁稻不謀居不戀
紅絲猶繫去時心

漢廷舊恨試重論
自是昭陽誤受恩
底事謠言與分謫
可憐何意啄王孫

盼盼樓閣暗愴神
靡蕪山下又殘春
紅襟不住烏衣巷

却伴孀雌獨守人

除夕

爆竹聲中蠟炬高華年如水只滔滔荒廚供薄還餘菜
小巷符鮮各換桃欲向神仙問丹訣尙儕弟子著青袍
貧家自覺生春早夢裏新花上彩毫

丁酉

月下志懷十二韻

孤館歇殘雨濃春似晚秋重簾篩月細疎樹織煙稠滅
燭追前事停琴感昔遊一時渾跌宕小坐輒勾留記得
循書檻周遭倚畫樓商量從筆硯調笑雜歌謳新葺勞
湘雅堂編年詩藁

卷一

十

頻餉清詩或互酬雅懷原雪白勝聚倏風流藥訪三年
艾愁添五夜籌分攜禁善病多暇况端憂又喫桃花粥
相思杜若洲濡毫裁札去墨沼落紅浮

呂城夜泊

呂蒙曾結寨遺蹟志圖經斷磧聊成聚扁舟此暫停市
燈昏遠霧漁網挂疎星明日京江路羣山潑眼青

曉發

野店寒深不可眠僕夫催路五更前荒雞未叫燈如豆
牽馬出門星一天

龍潭道中

攬轡龍潭道秋風吹客裳野蹊分向背復磴迭陰陽
厓幾層墨溪流十里黃靳王酣戰處懷古意蒼涼

偶憶雲間舊游

有序

雲間余山園池之勝有王氏知止山莊數年前讀
書郡齋從宛平鍾勵暇先生數往遊焉今憶其處

因作一詩

曾記尋春伴謝公
余山雲鎖湖湖東一
帆濃雨破深碧
十里野風飛亂紅
登閣層巖衝遠樹
當庭雙蕊茁新叢

己丑會見
並頭牡丹

難忘襟被樓頭夜
蘭氣蒸暄入夢中

夜坐憶敬亭書院因寄鍾獻南上舍

珠

澗雅堂編年詩彙

卷一

十一

敬亭講舍似湖莊
曾共湖邊坐夜涼
十頃碧波天欲瀉
一房紅藕夢俱香
風勻竹影鋪平地
月寫松枝上短牆
此夕相思斷消息
將詩欲寄暮雲長

戊戌

山塘

七里山塘路終年
見畫橈新花高出寺
卧柳曲遮橋紅
袖當鑑坐青帘
隔市挑春隄
歸路晚何處
尙吹簫

呈從叔父棣然

榮伯

門內知音有子期
從來臣叔不會癡
事當盤錯常先任
文出艱難各自知
互校新篇還似友
每煩苦口合稱師

夜寒擁被松楸下記得楞伽對雪時

甲午營葬先大父楞伽山中連遇大雪惟叔始終共之

寄仲弟壽州

看却春又晚流連惜景光新桐數圭白殘月一梳黃聞
汝能騎馬逢人賭射麈慚余温卷客終歲坐匡牀

餘香閣卽事

閒庭交衆綠小閣倚斜暉僻處一無擾物情相與依桐
花連雨落蝶子避煙飛數卷殘書在高歌足掩扉

滄浪亭晚步

園館參差帶野塘輕衫團扇步相將人非襍穢曾無暑
水號滄浪意自涼煙柳絲長遮蚺蝥露荷珠落打鴛鴦
前遊彷彿秦淮上更向橋闌倚夕陽

秋懷二首

一雨釀新涼夢暑遽如客虛館閒無營心清衆聲集暗
螢試初啼疎桐逗殘滴濕螢難自明良久出深碧移鎗
傍軒檻散慮託簡籍幽獨知夜長漏壺沉幾刻衾枕逼
新寒誰與共良夕寒衣起徘徊梅花落遙簃臨風念佳
期渺焉河漢隔

河漢亘天長帶我碧玉闌白榆繚繞之珠琲明闌干女
牛一相望廣川失驚瀾在遠分日親孤處足古懽所惜

芙蓉花悴此夕露寒依稀玉女腮奩鏡光團團逝將在
從之羊腸鬱干盤慎言保顏色鑒此雪肺肝因風送殷
勤努力還加餐

夢中得三四二語覺而足成之

夢裏翩來萼綠華曉鐘未打月先斜分飛不比鸞棲樹
雙宿渾如蜂抱花銀漢無波垂地角瑤池有路自天涯
朝雲寫恨憑誰寄便擬裁箋借彩霞

觀宋張文定公樂全堂玉印督學劉石菴先生所
藏出示命賦

玉印二寸強黃章間白質其形爲矩方其背作瓦凸斑

淵雅堂編年詩叢

卷一

七

駁頗有紋精瑩故無匹繚繞古篆文森峭出健筆讀書
想其人矧迺覩其物依稀樂全堂眼中見突兀元祐熙
寧間朝廷重儒術惜哉治不光儒者任不一用人如奕
棋立議若膠瑟鄙夫幸瓦全達人虞玷闕張公龍鳳姿
高致厭簪笏堂成意渺然詩就東坡謁夙生種智深楞
伽印心密懷文誦詩書游藝工翰札懸想揮豪時或當
購書日此印鈴其閒欣賞憑識別人往物自留復從土
中出閱世六百年瞥過一鳥疾猶以文字緣得登鑿家
室卽今伴衡文周旋近玉尺吾公命世英海岱照門闕
巍巍文正公未覺音徽沫位高身逾孤道直節難屈廻

翔廿餘年堅白罔磨涅惟公所樹立久矣樂全越餘興
寄臨池風雨入超忽跋此印泥紅剝藤光映發還將好
古心涵養到恬逸無全自無虧意珠抱圓月

觀石菴先生所藏陽明山人銅印作歌

銅章扶寸紐壓龍朱文蒼勁氣渾融陽明先生古作者
新建僊爵膺褒封當年手握霹靂符千軍掃却心從容
寧藩就擒事不易上捷竟上中官功南顧撫臣印斗大
一笑擲去還山中頭銜竟署山人字至今心迹留枯銅
諦觀確治不草草撥蠟爲范加鑿攻高陽許初篆其字
宥列欵識書尤工世間榮辱那有據盛衰一往如飄風
淵雅堂編年詩藁

卷一

十四

侯伯大封賜鐵券瞥眼春雪同銷鎔區區餘物僅存此
土花繡蝕斑青紅忠魂道氣所憑託埋沒不下騰長虹
鬼神呵護三百載流傳又遇司農公我公作人有風味
嗜好殊俗爲儒宗銀黃入手不介意寶此獨若珪球瓏
摩挲豈惟悅清燕拂拭正爾增虔恭心光萬古一頃刻
良知寒暖驗自躬世人但識宋五子拾宋糟粕講異同
宋儒堂與初未見叩槃捫籥隨羣矇神祖聖伏儒者賤
宋五子恨無終窮兼三不朽破空出天遣與世爲晨鐘
陽明不出道墜地坐令學究成冬烘陽明旣出道在世
如曉日挂搏桑東山人還山若無有始覺儒者真英雄

知公必有心印在鴻蒙一氣中流通直尋仙佛本來意
以證濂洛希微衷

己亥

自江陰至常熟舟中同張青城那弼趙開仲基景

書常焚聯句

返役訂同游長洲張那弼青城放遊快清眺吳江趙基開仲山水有因

緣長洲王芭孫念豐唱酬雜調笑昭文景焚書常螺峯澹春煙那弼鷺

渚點夕照基半塗時少休芭孫一節領諸妙焚古刹踏

雲尋那弼殘鐘隔嵐報基幽房見花木芭孫禪牀隱深

奧焚風篁韻吹笙那弼雪黎色環縞基但令帆腳停芭

淵雅堂編年詩彙 卷一 五

孫必使屐齒到水宿亂霞中那弼陡覺春寒峭基朝

來雨散絲芭孫昔者風鳴竅焚逆流溯長隄那弼捩波

轉孤棹基趁程故遲遲芭孫得趣頗稍稍焚緩急自人

情那弼浪岩亦吾好基詩無陶謝工芭孫體欲孟韓蹈

焚

秋影樓話雨聞塔鈴聯句

風琴池上酌張那弼青城風鈴塔顛語颯沓下遙空趙基開仲瑤

琮散平楚聲隨急雨來王芭孫念豐力與迴颺拒七竇振佛

環景焚書常寸鐵碎神杵續續馬走簷那弼齒齒虎蹲敵鱗

顛鉢中龍基瓦窠松間鼠鳴鑣驟雲將芭孫鏘珮降天

女小大迭往來

葵

贈荅互爾汝清冷滿山城

那弼

縹緲

入海嶼幻響匪夷思

基

流韻墮何許春水船行行

芭孫

秋影樓處處攜三子偕登

葵

迺二月中呂尋山阻泥潦

那弼

假館嘯儔侶對影面浮屠

基

送響醒逆旅喧寂鎮

兩忘

芭孫

和雅豁萬緒詩鉢鬪擊敲

那弼

茶鎚沸烹煮

參天籟人籟

基

辨一黍半黍音惟角徵多

芭孫

氣覺絲

簧沮吾儕媿拘墟

葵

先達邁遐舉東山賦歸來

秋影樓為故汪

東山修撰

那弼

西笑謝延佇移家傍蘭若

基

跨衢築

花墅塔鈴在高樓

芭孫

索鈴渺清籟想見胥期超

葵

怪手筆巨

那弼

淵雅堂編年詩藁

卷一

六

雨霽放舟出郭望虞山歸憩曹家亭子舟中聯句

四首

春半山城積雨多

那弼

雨多山亦掃新蛾花前風暖三

篙漲

基

柳外煙輕一棹過中酒非癡翻作病

芭孫

無術更添魔乍晴天色如招我

葵

乘興何妨借屐箕

那弼

那弼

城外青山山外城

基

嫩寒天氣恰清明未能免俗還添

累

那弼

小住為佳各泥情廢剝轉成沽酒市

芭孫

荒邨

也聞賣錫聲浮嵐暖翠山房在

葵

花信依然報曉晴

尋芳隨意踏春泥

芭孫

一帶裙腰草色齊缺月橋分丁

字水

邦弼

隔煙邨叫午時雞雲容入畫增渲染

基山勢

如屏待品題遙指盤螺通曲逕

蔡

樵風落處有禪棲

芭

孫

名園惆悵閉芳塘

蔡

竟爾敲扉客太狂扇障銀泥逢桂

子

邦弼

門橫金鎖護花王心無住處情偏豔

基

興到佳

時句亦香歸路未須愁月黑

芭孫

故人折簡約飛觴

夕

飲言八臯

蔡

茉莉花詞十首

藤格低纏綴柔纔便煩月姊送香來水晶簾外花如雪

此是江南六月梅

淵雅堂編年詩彙

卷一

七

浸月樓臺澹一痕依然小玉舊温存夜闌未敢真真喚

恐有花田欲返魂

蘭夜如年箭咽壺風前銀蒜押流蘇美人貯向珊瑚枕

複帳招涼別有珠

釵梁貼燕鬢堆鴉向夕房櫳卷碧紗花下自攜明鏡出

晚涼新浴薛瑤華

櫻籃團雪罩輕綃媚夜蕨麤縲我嬌記得年時桃葉渡

賣花聲和月中簫

情味宵來若箇知悄悄香欲沁青絲夢回鎖簾涼於水

碧玉搔頭半墮時

扇掩輕紈截柄長雕磨瑠管作花房問郎何似薔薇露
春筍纔舒一握香

雪乳牙雲月一奩點茶休下水晶鹽湘瓷小淪清涼散
未許風塵熱客需

柑垂佛手藕抽荷共向銀屏伴玉娥小簾簾剛證悟
眼前火宅曼陀羅

小名誰錫小南強絕愛瓊州別樣妝也似玉奴貪入道
嫩黃幘子蹙金裳

丹陽道中觀田家車水與書常聯句

秋雲不生雨王芭孫念豐屛水憫竭歷廻環運關紐景安書常

淵雅堂編年詩藁

卷一

十一

置務安帖巧窮攻木工芭孫抽謝抱甕客琢輪眠其圍

轉軸肉厥節貫木中聯筋芭孫破版外輔頰齒列鋒

稜稜葵鱗披聲窅窅儼然蛻骨蛇芭孫撥爾縮蹄馱澀

則膏之脂葵堅或滕以鐵動靜旋相樞芭孫高下任所

振繩牽鼠腸拖葵溝豁兔口缺引流斡陰陽芭孫在山

倒順逆初疑吸川鯨葵繼若飲澗蛻爬沙打春潮芭孫

卷瀑飛夏雪峴削勢如繩葵波悍力與齧盤渦徑犖确

啗水芭孫意饜餐卑區一初枕葵峻步二三轍爲農實

艱辛芭孫雜踏苦顛撥架木手午援葵踐杵踵垂裂首

常下乎尻芭孫肩乃竦於脊男女聲邪許葵衰穉形詭

艷蒙莊誦機深芭孫 大易惻井溲溥哉枯棹利莢 制器

緬先哲芭孫

摺疊扇聯句

篷窗坐招涼莢 手篋不盈掬製輕巧失古芭孫 工省儉

從俗粵稽扇所助莢 殆由髮之屬沿漢始稱名芭孫 迨

晉益著錄統詠婕妤班莢 羽揮丞相蜀璀璨耀五明芭

孫 廉剋剋六角贈者仁風揚莢 障或嵩塵觸如月復如

葵芭孫 有羅亦有穀朝端開雉尾莢 方外圻龜殼書從

戢山王芭孫 畫遍劍南陸要皆象團圍莢 罔或殺邊幅

有明出市塵芭孫 實始至海船間聞捉賈胡莢 僅將供

淵雅堂編年詩彙

卷一

五

童僕謂之便面宜芭孫 號以聚頭朔士夫稍招搖莢 工

商競角逐文沈寄其長芭孫 徐仰區厥族截將蠶繭紙

莢 夾用魚鬚竹嵌螺翠貼藩芭孫 塗金黃插軸釘作蟬

眼睽莢 頭學鰻頸縮胎輕泯參差芭孫 骨立緊攢簇斷

如頰含牙莢 森若脇附腹大而鬣帆張芭孫 小者蝶翅

蹙取攜不汝疵莢 舒卷惟我欲快奪蕉雨涼芭孫 清答

松濤謾暫紆襪穢勞莢 爰染翰墨馥夏猶橐之鼓芭孫

秋與蟄俱伏迄今異千手莢 其妙同一轂飾觀取新鮮

芭孫 匠巧避香複象駝落夫齒莢 檀栲斬諸木漿碎潔

白呈芭孫 邊緣硬黃朴丹砂繫裙膏莢 銀泥貯奩蓋綵

之以緋紅

芭孫

墜之以結綠匣蒙重錦裘

焚

囊垂錯繡

縛體物句分明

芭孫

聯吟聲斷續難得清詩清

焚

奈此

酷暑酷江豚欲吹浪

芭孫

長風掃煩溽

焚

崑山試歸二首

翠袖天寒不奈何秋深茅屋自牽蘿費他謠詠知多少

偏替嬋娟掃黛蛾

放狂自種來因病動悔難尋過去蹤有味伊川三不幸

月斜樓上五更鐘

石荈先生課書齋八詠

案上留青玉山頭割紫雲千金知有壁萬石例稱君畫

淵雅堂編年詩藁

卷一

三

井須勤穡爲田合藝芸但堅穿鐵志磨盾豈磨盾殊勲

硯

就邑封宜管聞名族是毛久當脫穎見還念盡心勞不

憚干軍掃寧懷一擲豪中書應未老朶殿好簪毫

筆

編定何須簡詩成不削筒殷勤千載業零落數番功雪

妬桑皮白霜留柿葉紅胥鈔添罪過弔爾剡溪東

紙

視北寧無客山陰記有池此中知白者時復澹相思烏

玦磨難得元霜搗不辭削鬢嗟歲月點染愧新詩

墨

紙閣風簾下銅壺水箭深分來仙容照坐見古人心燭

有連盤賦檠餘倚壁吟金蓮榮遇在天上自森沈

燈

破屋烟初上空山雨乍收一旗春霧足半榻午風柔炭

火松留液鑪聲竹助秋冰甌堪滌筆茶譜約同修

茶

門掩新寒夜簾開積潤朝製分鳧鴨舊班驗鷓鴣嬌几

靜瓦盆古燈深玉篆銷香尋墳典外一辯與誰燒

鑪

一握清商發披襟向竹樓風霜原自挾懷袖不禁秋雪

版憑揮手冰紈悵聚頭誰能還捉塵咳唾示風流

扇

石荈先生課白桃花

曾向圓蒲拜律師塵緣銷盡見天姿卻從杏子春深後
修到梅花月上時洞口乍來雲没路觀中重過鬢添絲
東風作意吹成雪露井新紅又滿枝

淵雅堂編年詩藁

卷一

三

淵雅堂編年詩藁卷一

淵雅堂編年詩藁卷二

長洲王芑孫念豐

庚子

敬讀

聖諭釐正文體欣悚奮勉攄誠恭紀五言古詩一首

日星經九閎燦燦羅璿珠江湖絡大地蟠蟠麗瓊都懿
惟天地人造此文明區文者道所載我

皇執其樞叩鳴無小大方言析精麤惟言亦心聲中外
曾何殊迺因闡繙譯黃紙宣丹除堂楣揭

大訓書用金泥塗儀型示前修反復何紆餘使臣謹弼
淵雅堂編年詩藁

卷二

一

教誕告諸生儒粵稽立言祖六經肇權輿先秦及兩漢
樸茂辭不蕪六朝近俳優隸事矜吹漁鮮新弄蘭茗香
軟不可扶李唐尙時體危花凍枯株孤鶩得韓愈奮起
追古初作者六七人繼出攀襟裾文何古今判要與風
骨俱矧夫四子書研求自程朱自非醇乎醇曷免觚不
觚緬宋熙寧間經義始甲苧新政一無可法良此難誣
試言用先資削墨懷般輸有明一代士得失窮錙銖時
則先臣鑿甘苦首戒塗化治迄啟禎能者繁有徒或幽
含風蘭或妍初日葉或峰拔地奇或槎架險枯或鯨震
鱗甲或虎雄牙鬚或古敦卣鐘或貴璠瓊瑜中若歸有

光安庸笑拘迂泊乎宦藁成脫手風霆驅後來孰騰出
淳耀天馬駒異曲仍同工夏璉並商瑚上下三百年二
子足概諸恭惟我

國家觀文化涵濡曰清真雅正精勤迪

前謨教思容无疆推暨薄海孚爰頒

欽定文如射節騶虞謂宜盤孟銘否卽几案書如何罔
聞知獻玉雜硃硃公然互剽竊仰塵拂與吁昨有限字
令嚴謹刪浮膚今茲異命申引置莊嶽衢歸黃特發凡
舉一該三隅持衡秉圭臬務嚴非種鋤南邦諸小子敬
聽敢戲渝自今別淄澠皎若鵠與鳧自今勤漑灌養若
積與梧庶尋菽粟味勿飮官家廚庶奔騏驥塵勿守伏
櫪駕寧爲香草拾勿爲已陳芻寧爲空谷寒勿爲倚門
姝朗然明水薦勿貪入市沽淵然大鑪鳴勿妄挾莛拊
如金之受鎔

帝用收鴻鑪如同之合珥

帝實握大符卽此先民程抑見良士瞿劓夫桑梓恭壤
地連三吳崑山春截業嶠城鬱盤紆興言先後進彌懾
大小巫豈忘膏馥句育令行步懦鏘鏘金閨彥清廟明
堂需他時黼黻才早覘厥所趨小臣跪百讀僵伏汗浹
軀家門邁先躅國典懸閭模縱甘自菲薄焉避弗率誅

十年抱微尚萬本徒揣摹慚惶增疚負快覩交欣愉一
爲巴人獻小言瀝臣愚願言遵坦道庶幾奉

皇圖

迎

鑾恭獻詩冊

謹序

皇上御極之四十有五年泰階平休符萃天地中間莫
不順序巍巍肅肅上儀斯作惟茲江南浙江欽承
聖祖仁皇帝丕謨河防海防粵有成勞我
皇上無逸作所繼循隆軌前此

省方四莅勲兼乎在昔事勤乎三五入疆行慶闔澤覃

淵雅堂編年詩藁

卷二

三

施凡諸異數炳載盛典父老子弟衍樂歌歛以休
以息思得再覲

雲日之容下展芹曝之悃又十五年於茲矣

皇上凝神穆清不冒無外眷焉東南久不與吏民相見
會兩省督臣酌民言入告迺

詔南巡春王正月諏吉啟

鑾鋪鴻藻信景鑠屬車九九甘雨偕來中外引企懽聲
雷動臣草茅下士躬際

昌期不揣禱昧竊附陳詩之義宣揚懿休謹拜手稽首
獻柏梁體詩一章凡千四百言課轅缶之末音塵

日月之廣照誠惶誠恐無任隕越其辭曰

皇帝御寓時純熙擴億萬世丕丕基握乾綱而冒坤維
四十五載德教彌化成道久治益治甄虞陶夏籠軒羲
懿哉萬古之昌期觀民展義禮則宜

南巡鉅典

仁皇詒粵稽巡方始具茨游河刻玉傳有之望岳輯瑞
稱有媯自時厥後代可推省方繫易股繫詩矧我
大清德倍蓰成紀上章貞攝提

皇帝詔從吏民思法

皇祖制揚蒼旗朔十二日躔姬訾諏擇表上靈臺司辰

淵雅堂編年詩葉

卷二

四

良日吉

帝曰咨布告中外咸聞知鸞書飛下九級墀卿雲糾縷
呈祥曦輝輝華蓋騰光奇鉤隊珠燦南暎箕陳詩於禮
無崇庫小大稽首丹忱摛欽惟我

朝介景禧肇祥朱果膺靈和天造元會恢鴻規

聖聖繼述謨承丕我

皇顯緒翼翼仔於緝熙敬宥密持惟

天惟

祖

宗是師屬民設教如墳筮誕敷

文命示訓彝春風殿閣濡喻虞萬象躍赴
天筆搗文淵三閣魏丹楣館臣四庫嚴等衰琅函寶笈
分訂釐闡幽削僭祛滌諛汗流籍湜滄純疵仰待天鑰
開屢屢進呈

行幄馳黃駮書郵羅布星與某敦崇儒術郅治禕特科
材選收桐椅藹藹吉士才鼎彙載揚我

武威赫戲二萬餘里隨鞭答銘功絕域穹豐碑煌煌明
堂位有差門外坐八蠻九夷職貢不數因桓皮伊犁回
部成耘籽金川蕩掃開屯畷同我太平安且懷西方有
人瓔珞襪鷲嶽鹿苑通邇迤思仁慕義心歡愔山呼來
淵雅堂編年詩彙 卷二 五

奮
帝受釐

帝惟威威而祇祇覽奏乙夜勤然脂承流將相臯若夔
小廉大法相切劘稱職者陟否者褫太和翔洽休嘉施
屢豐祥告禾生稅清廟朱瑟歌噫嘻偏災偶爾非傷痍
賑恤萬萬金錢齋薄海內外懷恩慈存神過化洪鑪錘
府開承德昌蕃滋橫經漸見尊臯比木蘭歲彌文罔麋
先勞

親御天閑騎八旗子弟雄如貔節以肆夏趨采齊欽哉

祖武懷繩其

橋山展敬陳六齋

賦成巨麗詳豐岐休徵長丈生靈著陋彼寶鼎齋房芝
敷天衷對樂養頤望幸尤切東南陞

帝庸眷顧滂恩施

省方四御黃金羈

深仁厚澤及幼耆溯惟乙酉迨今茲天星廻周十五朞
小民作息安東菑有粟盈缶酒溢甌冬寒有裘夏有絺
牛羊在澤雞在埘和甘飲食雨露醴望

翠華幸旦夕斲芹曝抱悃忘嫉癡走告大吏陳其辭吏

淵雅堂編年詩彙

卷二

六

封章入函螭匣

帝曰俞哉章手披陶莊引河勢袤透清黃交會流委蛇
朕答

天貺敢自縻揚州託業憑鋤犁方春東作親鎡鋸豈惟
閭閻佇雲麾朕實厯此氓蚩蚩凡諸供帳無侈靡三十
萬帑斥度支無俾民吏輸銖鎰截漕以裕民食資千艘
聚米如京坻厥賦正供吏勿追湛恩汪濊霑無遺

皇帝重念春穀祈吉辛大禮脩

壇壝多稌多黍多秬秠嘉薦芳矣羞明粢越三日乃鐸
鳴轍是日晴闕暉晨熹間闔天半閉金鋌千官景從聯

纓綏爰敕鹵簿排九楸珠旂鳳蓋何琴麗駕龍十二驂
六螭騎駢駟駱駝驢駝駟鉞釘鉤鉞鏃旌旛旗旄旌
旛旋金鍔葩瑤駢駢駢捧塗清道來蒼祇福星照輦光
陸離蘆溝月曉流春浙瑞雪送喜飄輕颺紫泉卸砌叢
芳薜園開紅杏含微蕝恩泉含澤波瀾瀾日觀呈瑞朝
嗽暉萬松松濤謨山岨江南雜樹飛黃鸝花園花放搖
新姿海棠水驛漾綠落金焦臺殿轟繡栢雙龍夾渡鱗
之而聽松寄暢交翠暎竹鑪初茗浮花瓷鳳船南下引
綵纒姑胥百頃青琉璃金閨

行殿錯綺櫳覽風茂對停雲輜朝天萬笏雄屣屣玉梅

淵雅堂編年詩彙

卷二

七

西磧繁千枝獅林奇石蹲猊獅山塘楊柳拖絲絲石湖
一鏡飛鷗鷁靈巖塔影倒入池西湖綠淨波淪漪望恩
草木春葱蘢浙東翹企法仗移吳趨俗尙醇不醜貢誠
愛戴

皇心怡鑿廻重荷弭翠蕤棲霞初地路賊隄金陵秀擁
諸巒嶧蜀岡花信遲醑醑南邦勝地春猗猗天題銀榜
蛟龍昵恭惟我

皇福履綏卷阿泮奐昭無爲海塘鞏固堅金陵河流九
曲通天臍庚辰終古安支祁閱武糾糾羅能罷逾格遷
擢無偏裨賈舶銜尾春颿歌蕪香祝

聖忘旅羈，蘇鸞莅止，膏澤隨百僚，侍輦集履綦，入疆行慶恩，單施扶杖觀，化來壽膺捧，賜粟帛相邀，嬉秀髦，作頌追奚斯，殿前給札濡毛錐，兆民飫酌衢，尊醢熙熙，皞皞如含飴，瞻雲就日羣趨馳，或舞於巷，歌於達，頌我皇帝萬福禔。

小臣

涵泳乎

聖涯掄揚

盛美心傾葵快覩

五巡之上儀光華，復旦化日遲自五，以至千萬期，金泥

玉檢鴻文垂

皇帝萬壽凝繁祺

淵雅堂編年詩彙

卷二

八

二月二十二日射瀆迎

駕恭紀六韻

晴陌皆

恩地春流卽

御溝雲拏龍輔

駕風穩鳳銜舟銀棨交

黃幄金吾緩絳騶，傳符朝七萃，行漏晝三籌，葵藿依光

切，衡茅被化優輿歡，臚八郡天路奉

宸遊

次日虎阜獻詩恭紀十八韻

水驛迎

芝蓋山塘聽玉珂乍經瞻

日馭重得飲

天和虎旅星函劍龍鞘月就戈燭分仙照朗鑑引御香
多待詔丹青近陳詩縹帙羅雅章周德業樂府漢聲歌
曉路停千騎晴巖湧一螺有才皆選士無地不卷阿教
養蒙

恩甚文章報國何微塵增岱華餘澤望江河臣豈東南

秀班隨甲乙科進士舉人姓名慚薦列先經學臣選容

色久蹉跎秋試慚闈棘春心付沚莪貢誠抒慕戴飲化

淵雅堂編年詩彙

卷二

九

慶婆娑嘉納

綸言切傳呼守吏俄囊箱披煥爛閭闔啓巍峩沐澤承
甘雨流膏潤大波願言偕棫樸同蔭

萬年柯

三月二十六日

召試於鍾山書院恭紀四首

橫舍儲才地

巡方策士年鴻詞科乙丙鸞掖職神仙薈集三都會江蘇

安徽江西三監臨八俊賢監試王大黃麻書粲爛題字

下

堯天

銀艾眞崔杜

喀爾喀親王拉額駙

珪桐必獻平

睿親王福貝勒

青衫天上

坐黃褶日邊明

御押縈雲密清詞灑雪呈鸚翎諸校尉猶解美書生

卿月蓬壺側

督學彭侍郎

宗潢花萼中案差堂上下

監試王大臣設

案南向學臣設案東北向

牀占解西東

諸生分坐兩楹

貢紙濡豪滑官厨給

饌豐千言慚倚馬亭午漏催銅

憲老由頤慶先天心法昭

命題關至道

賦題養老乞言論題先天學心法也

抒藻待公朝樞府操衡

鑑天垣建斗杓同時枚馬容刷翰望層霄

淵雅堂編年詩彙

卷二

十

翌日進卷入二等

賜大緞二端赴朝陽門外謝

恩恭紀二首

江城晴旭麗三山曉仗從容綺陌閒

丹詔十行成虎榜青袍一例綴鸚班參差玉筍歸清選

燦爛文裙拜

聖顏

一等人員俱蟒袍補褂

敢美諸君奇遇好妄將凡骨叩仙關

向陽草木待栽培輦路依光只暫陪得雨未能離涸轍

引風略許望蓬萊傳將束帛煩中使

恩許承筐到秀才檻襪十年寒徹骨色絲珍重日邊來

江寧行館雜題八首

有序

提督李公當扈從至此假副將之廨以爲行館余
至先入居之訖事迺還中間有作概目之曰雜題

云

白門門外好康莊泥雨連朝惜錦障半路春陰開薄霽
一鞭晴色帶初陽圍屏畫戟將軍第孤劍殘書客子裝
到及海棠風信晚落花多處置吟床
虎踞龍蟠尚有關春風隨處得躋攀小園楊柳魚銜鑰
輕騎桃花獸齧環水上琴尊三月雨鏡中金翠六朝山
長橋昨夜匆匆甚未有新題著壁間

淵雅堂編年詩彙

卷二

十一

綠陰庭院曉光遲語燕催殘夢裏詩銀蒜押簾垂永日
玉簫傳盞記當時副將邱公舊嘗招飲於是瓶腰宿水傾懸膽花缺
春聲掛畫眉好是閉門人不到茶烟縷縷試槍旗

夙垢詩魔又病魔暫勞候吏借行窩座無惡客知風善
庭有餘花受月多野鳥也從春格磔好山彌覺夜嵯峨
流光荏苒今如許吟賞何辭藉綠莎

繡毬滿院月當空雲母窗櫺掩映中嘉樹正看珠絡索
清陰不隔玉玲瓏墻東歌席拋紅豆硯北吟池浸碧銅
劍佩軍衙雙侍史殷勤剪燭護熏籠

命宮磨蝎分飄零卻許依光上將星檉麥分來仙饌美

餵鯉捧出

御厨馨階前參佐豪豬履帳外賓僚孔雀翎塵土自憐
衫裏滿依然芳草妬青霄

懷人天末雨初收殘夜披衣月墮樓悵望衡湘新大府

聞石庵先生
巡撫湖南

飛騰朔漠古通侯

奎公赴烏魯
木齊都統

文章未足

酬殊賞觴詠何因得小留差勝杜陵歌憶弟士龍連夕

話綢繆

弟以燕借
李公至此

玉堂天上夢依稀未必星辰應紫微五夜詩情蘭對發

三春心事絮交飛仲宣有筆差能賦方朔無官已慣飢

孤負羣公爭勸駕書生容易脫荷衣

淵雅堂編年詩彙

卷二

三

協府雜詩三十首 有序

秋闈報罷檢得春初應 制金陵時所為絕句

中多記事之篇亦有緣情之作語繁體雜無所名

目以時方假館韎韋之君子安援夔府之例云是

歲十月七日燈下錄藁書

鳳臺巒嶂坐中低

帳殿崔巍拂紫霓多少羣鶯爭出谷朝來先向日邊颯

長亭曲榭巧彎環點綴青疇綠野間只有麥花平一色

春晴送喜上

天顏

錦屏圍處竹爲籬，朶朶紅從燕剪移。頃刻花開殷七七，
一路點綴籬落間，薔薇皆插生枝剪綵花繫其上。

好風扶起臥烟枝，
星燦鉤陳燕子磯。禪關銀榜爛生輝，山嵐也借東風力，
吹作祥雲傍。

輦飛

短後行袍護馬裙，鞭聲爭路曙光分。旗亭柳下休軍將，
邨店花中宿使君。

青山一髮大江東，春草如袍點落紅。乍暖乍寒烟外路，
傷春滋味馬蹄中。

湖色虛涵水上亭，蛾眉淺鬪碧亭亭。長江萬里黃流惡，
流到青溪便解青。

淵雅堂編年詩彙

卷二

十三

馬卿善病賦長楊，消渴端由內熱腸。列傳重攤三過讀，
案頭山色對清涼。

飛飛撻末不離羣，會上留仙玉綫裙。吾夢那如卿夢穩，
碧桃花底月三分。

春到佳時雨亦香，惜花心事漏俱長。殷勤侍史雙銀燭，
爲我掀簾照海棠。

清池寫月小於眉，欲上花梢轉更遲。昨夜夜深看不足，
滿身風露立多時。

想少難離有相天，是誰銀甲撥湘絃。曼聲更緩何妨緩，

又被風吹墮碧烟

梨雲明白凍簷牙
暝寫然脂字
翥鴉新柳濛濛溪閣暗
絮如人意輒黏花

雨催紅雪糝春泥
襯我桃花削玉蹄
歸路生憎衫袖濕
過來風岸柳絲低

燕泥奪潤打牕紗
撩亂游絲罨畫叉
衙將似嫌春不去
平明催掃繡毬花

分明畫本翦宮綃
細膩春流漲昨宵
茶竈筆牀三數客
低篷撐雨綠楊橋

題徧無題五色牋
尋芳孤負杏花驕
沉吟十六樓邊路
淵雅堂編年詩藁

卷二

十四

閣我春愁一抹煙

卷紋層雪摺銀光
尺二朱絲界畫長
試墨自謄經進藁
午晴針露麝香香

溫卷清宵託一燈
鄒枚楊馬昔同稱
如何諫獵尋常事
不是相如便不能

棗餠三花出大官
雲腴分割聚香團
未題名識紅綾味
試席懷酥代曉餐

墨孕脂香和合工
金壺分汁硯池中
磨人錯被嬋娟笑
破費春腮幾暈紅

以胭脂磨墨能助黑諸君煎錫爲筒攜以入試亦承遺子一器故云

硯割洮河綠石鮮
鏤銀盒子筍螺旋
案頭墨有方于魯

乞露花間仔細研

公子翩翩法從佳詩才天付寫風懷銷魂句子添新話

春殿朝回畫繡鞋

謂昭信相公
公子兩毓君

頂銜藍寶樣新鍍壓帽花翎衛霍儔却說秀才名色好

自嫌年少富平侯

桀黠橫行孰敢論平頭奴子黑崑崙禰衡不識將軍貴

醉後渾忘厩養尊

門內蒼頭誤一呼門前軍將韎韋趨自言三品官階貴

不抵君侯帳下奴

春歸消息雨聲中愁殺江南盛小叢作惡不緣連中酒

淵雅堂編年詩彙

卷二

十五

棟花風緊撼殘紅

柳絲吹盡又桐絲憑仗新聲破客眠水榭春寒偏積潤

銀箏寬却四條絃

鈞天夢裏聽節韶剛遇罡風墮碧寥從此再從鄉貢舉

又教官燭費三條

江上芙蓉不怨秋美人遲暮自含羞叢殘賸稿重收拾

聊記嬉春爛漫遊

芷生新婚三首

謝莊風貌陸機年亦是休文亦下賢燒燭自填金縷曲

勝他博議驟成編

瑞玉雕磨供綠牕香幃還是讀書幢瓊瑣思瑤想心心印
何不鴛鴦篆一雙

芷生爲新婦琢印
名語瓊字瑤人

如年良夜尙遲遲略減些長祇一絲逗漏春前梅信早

紅羅斗帳玉雙枝

婚期在長
至後一日

辛丑

崑山寓齋賞雨分韻作

久矣雕蟲愧壯夫酒邊猶此共歌呼雨聲困客春匆促
花氣薰人夢有無三月韶光流水去十年心事曉鐙孤
名場聚散如萍絮難得重逢舊顧廚

盆蘭作花並蒂索諸君同賦禁以草木禽魚蟲豸

淵雅堂編年詩彙

卷二

六

比切四首

湘瓷花影忽交加片石疎叢養白沙宵露並懸珠絡索
曉風孤挺玉樞又反騷一首聲相應參佛雙心證不差
隨世偶然成眷屬塵緣未了現曇華

一薰從古臭差池堂下羅生喜並時有味弟兄常對榻
無多朋舊最相思原來賃廡還求偶擬欲操琴更向誰
對影成三堪自賞何煩甲子問雄雌

蘊自傳家舊日青花還祥瑞我伶丁十年孤月樓空谷

一帳寒雲夢敬亭

在宣城曾見此花先大父
與同官倡和有詩今年矣可與攜

持休贈影素無同異久忘形生香不斷從人說未必孫

枝果寧馨

好余芳草有生平，媚難諧衆口羹。
國士嚮來愁獨立，美人何處下雙成。
仍聞后土花無種，誤信湘江水自清。
欲折瓊枝寄同調，循陔重疊譜華笙。

提督李公

奉堯

築樓署中題之曰得月樓書來索

詩二首

畫寮琴薦逼星河，水閣新成坐雅歌。
廊有曼迴緣礙竹，闌須低亞恐遮荷。
多留空濶隨雲宿，更遣孤高得月多。
料得冰壺心事在，胷中千頃接滄波。

聞道登樓憶仲宣，緘詩紅鯉夢游先。
鏡中臺榭三秋雪

淵雅堂編年詩彙

卷二

七

畫裏峰巒九點烟，涼護紗幮開燕寢。
香霏銀管壁魚牋，何當蘭路陪飛蓋。
重與拙豪似昔年。

偶得鮮荔支以餉張景謀

詩

景謀以登薦後時貽

詩責和次韻

餽荔荔味壞貽詩，詩味滋荔支不十顆。
易此珊瑚枝挑，鑿諷苦語暑夕風簾披。
似言標梅嫁孤負，絕世姿從來絕世姿。
瞥眼風花隨先春，怪雨作隔歲繁霜欺。
自闔登海舶，輾轉供土宜。帥府桐潼多此物，口不怡往往爛嬰。
盜所怨，豈後時分嘗到書生已若瓜。苦堆因其來絕遠，餽我平生私味去。
獨名存名若畫餅爲嗟乎，此誰咎荔。

病荔知之循名竟虛妄責實非嗔癡士有遭不遭曩賢
積然疑屋背天風號和此三歎詩

是夕大風雨拔木飄瓦不成寐曉起再用前韻

終風攪夕寐曉起屋漏滋大聲下高梧斷此棲鳳枝想
見楓亭園輕紅慘離披乃知後時薦未負玉雪姿彼其
在樹者亦已墮落隨揚州種宜稻風信防忒欺今當稻
華初摧折豈所宜秋收定歉薄三農少歡怡後時奚足
怨尙有不及時兼聞海潮上木絲濕成堆書生罔事事
猶較口腹私飄師弄天倪凍雨撒手爲豐隆困久旱忽
起左右之坐看牀牀漏塊獨如蠅癡長謠洗兵馬腥臊
滌無疑

淵雅堂編年詩彙

卷二

六

王師下洮湟慨彼濛雨詩

時方勦撤
拉爾逆回

病中作三首

燭暗虛廳鶴啄扉華年絃柱思依微秋牀風雨相如病
零落天邊舊賜衣

秋添骨傲總支離粉蝕香殘豔體詩又是一年風物過
看花孤負最紅枝

三珠無樹著棲鸞冰簟銀牀儘受寒依舊夢爲花下蝶
一雙飛上玉闌干

盆梅始華殘菊未剪宴坐得句

柴桑無恙致悠然驛路相思信隔年
葉響鐙昏窗墮月香疎茶熟塢通煙
秋深簾閣初寒夜春護薰鑪小雪前
別有廣平心事在賦情蕭瑟意纏綿

冬至設祭亡婦作

迅川無淹流一暝就大期可憐此時
夜帷堂燭雙枝平生誤意氣巖巖卑
妻兒吁嗟薄倖名我固安得辭良時
憎燕昵已死迺歎之吾強汝善病汝
病不早治汝亡吾亦病牀席久支離
寒溫孰相詔肥瘦罔自知傷心棄文
字曾無述哀詩霜露日以繁及此晚
暮時憑筵更酌地酸薄酒一卮生時
尙不飲饒奠空爾爲三年結髮人倫
理俯仰乖役從試場棄汝猶孤雌科
名若彈丸脫手不可持賤貧天所命
徒悔羞屢屢謂當夢中來邈漠空
追維茫茫百年身分憂更伊誰長宵
榻柚燼荒雞知我悲

淵雅堂編年詩藁卷三

長洲王芑孫念豐

壬寅

元宵試筆二首

醜梅撐瘦蕙抽肥花信攪先一瞥飛煎餅頰椒多過了
燒鐙時節換春衣

驟暖如三四月氣候

輕塵短夢六年餘依舊梅花伴索居月色鐙光無恙在
畫闌風意似當初

山塘二首

不論乳燕與嬌鶯總向山塘住家好夢一春無處所

淵雅堂編年詩藁

卷三

因風吹上碧桃花

名花生命雨相俱盼到新晴總綠蕪半塢夕陽嗁鶉鴿

畫中樓閣女簫孤

花前偶作

芳信闌珊到鼠姑百年心事玉箏孤新鶯穉蝶嬌無數

各各看人成老夫

題仲弟聽夫

翼孫

閩游草後二首

游草緘來方便刪織簾南檻課餘閒池塘未有生春句

夢落仙霞嶺外山

機雲還要賦齊名

庚子示弟有機雲何必賦齊名之句

癡弟居然肯繼聲

我已談詩瘦爾許如何塗抹又如兄來詩有阿兄多病緣詩瘦弟妹嬌癯
更可憐之句

東飛伯勞西飛燕歌二首

東飛伯勞西飛燕人心不同似其面男兒得官自然好
女嫁嫌遲不嫌早誰家窈窕臨春風羞顏小膽花懼怯
敦詩持禮愛良時銀牀孤夕吹參差參差吹斷天如水
身浸月華瘦春指曉烏夜夜屏風曲蘭館葳蕤澀銅綠
早知時世好新妝肯寫雙蛾問短長雄鳩媒雉誇毛羽
嚼雪含冰念古處阿儂自道是芙蓉不託芙蓉不願通
伯勞飛東燕飛西世間苦樂不可齊邯鄲才人嫁廝養
珠柱銀箏抱清想東家阿婆賣婀娜濶抹濃塗自言可
懊惱韶年等閒度愛惜肌膚浴香露歲歲殷勤護臂紗
仙壇幾度掃瑤華春風吹我雪羅襦花房含瓣紅生鬢
風前理曲語如絃心香化作鳴鑪烟誤讀周南不會悔
併上相思續紅淚珠玉爲心待君子蝴蝶烟中抱香苑

擬晉白紵舞歌辭二首

雲屏爛汗銅壺長主人更衣客登堂前簾後匏琴瑟張
左右夾侍紅鴛鴦蘭羞方丈陳雕觴清哇妙舞羅名倡
舞態拉沓喜無方翮哉踏虛起如望乍低旋仰夢抑揚
龍鸞宛轉惡可詳意外一顧盼流光喜心倒極盼所當

大家歡樂壽福慶，苧蘿山前浣紗孃。采絲采葛心商量，
漚以若邪溪流香。明月初佩烟拖裳，裁作美人身上霜。
霜華沈沈曲未央，簾外月白天蒼涼。

遷延未已何搖搖，簇部迭奏差珠翹。垂手聯臂仍迴腰，
莊不端正冶不佻。長衷孤舉如相招，擊手迅逝不可要。
雙跌冉冉春綿嬌，紅膚中單汗著納收顏。跪進擎蒲萄，
鳳盤麩火堆豹膏爛。爛星斗迴其杓昌，哉斯世富且饒。
坐中賓客志意銷，大樂心醉誰能驕。橫烟隔霧夢蘭椒，
翡翠翠帳烟中交。罷舞遞侍親良宵，對君自解羅裙絛。
雄雞失旦忘三號，東方日出天高高。

淵雅堂編年詩彙

卷二

三

擬顏延年宋郊祀歌二首

昊綽圓覆錫我寶，符烈祖仔統神孫踐圖冠。宇寫宙孕
軒孳虞殫祥馨瑞，刑瘠德腴我文雲。屬我武風俱皇提，
其紐帝旋其樞八蠻囊括九服琛。輸階葢歲換壇絕宵，
鋪有雌盤鼎有鳳銜。壺殷薦穆若望祠太虛。

帝惟父天誕天厥父唐，哉攸矣始春報祐缶孚降監。卣
禋陟舉淳意禮交德輝，蕭吐焉臚秩班鸞韶鏘部水辰。
淵映坎崇井聚攀星挂旗，招片伏斧夤命先庚昌期中。
午祝孝嘏慈帝錫祖予迓釐，無疆翼此景緒。

擬江淹鳳皇銜書伎歌辭

皇耆扶統世壽昌丹書降霄鳳攜皇靈之聖之神所慶
妙伎寫德霞翥裳孫繇子翼金繩長

擬江淹祀先農迎神升歌

銅鑿疇臨珠旂耜參薰風琴北卿月棹南千篔綠舉萬
粒黃亩農靈歆饗豐澤遐覃

擬饗神歌辭

玉烟上燎金支下壇回黃轉綠宵民慰安

擬李長吉天上謠

虛皇押敕雲朶紅集靈夜宴蓬萊宮厨神洗手包鸞雛
脯麟生屠血糝糊金烏銜燭不敢徒青鳥西來獻桃子

淵雅堂編年詩彙

卷三

四

常儀捧藥侍雲屏女牀挑瑟聲嬌獐投壺一笑作雨雹
羸得瓊塵不能斛酒融天乳勞天神辛苦青天種星熟
王良造父醉失辭奏言房駟新生角及時行樂酌美醕
天上人間默同語月烟黃黃日烟紫碧樹雞聲不吾與
杓取湘流洗銀漢昨夜秋墳葬河鼓臣賀待罪白玉樓
小言寫進逍遙游願皇億萬爲春秋臣賀騎鶴屋滿壽
南極老衰拜難起俯伏上壽千叩頭

遙和昭信公新春雨夜棋罷聯吟之作

森森兵衛護香清石榻敲棋燭換檠客有兩三同脫屣
心無勝負不懸旌虎符未報登壇信鶴夢時驚散局聲

聞道先春詩思發收枰賭句又三更

齋中讀書作

拙生畏涉事所得讀我書心囂境無寂跡定氣益虛晨
簾列蠡鼎暑榭隱竹梧雖無青玉案聊有白屋居懷哉
古作者辛苦餉遺吾蘭釭夕介紹送抱兩不孤意甘入
無苦功疾出以徐弱懷健增輔感慮伸就愉并無千秋
見而况三公餘似聞食肉鄙不信味道癯陳篋慎疊疊
躡躡良區區

虞勛之敏萬山策蹇圖

石犖脩山嶽嶽吁嗟性命蹇執之山嶽嶽石犖確歸併

淵雅堂編年詩藁

卷三

五

精神入蹇足川狂谷狠縱復橫地形起伏天陰晴兩間
塊壘有如此行人胷次難爲情虞生胷次涵今古史事
瀾翻舉枚數可憐爲人好心事偃僂蠻言拜蠻府棄歸
裘具輕於葉羞澀錢囊已先竭小奚背上詩囊重囊底
滇山萬千疊手示新圖要作詩爲說平生久涉獵縛袴
塵中二十年南投六詔朔三邊臂鷹射虎夸身健欲與
祖逸爭先鞭男兒壯大無所爲未免顛倒生奇懷長安
再上不中第看人肥馬當風嘶一官萬里試烟瘴八騶
可致良無時却將身世付一蹇往往蹈險爭豪釐不如
歸臥橫塘上腰笛自買啡牛騎生言雖好勿重陳勸生

再出趨王程當今

聖人握金鏡吏部資敘無拘論大才小用豈終已結知
倘沛非常恩生言蹇足不萬里不見地上行騏驎

題張景謀論杏花春雨圖和芝庭先生韻

春風十日催春樹紅到深邨嫩陰護相思新夢曉如烟
昨夜仙人隔江渡渡頭消息颺青帘當鑪鬢影坐開簾
銀鞍駛入深紅衣乘興何辭席帽雷阿儂少歲辭瀛海
賦擬張融筆張載酒痕狼藉印衫痕幾度魚牋醉中灑
惆悵尋芳年復年珊瑚掬盡祖生鞭不如眞買雙菱角
相伴花前中酒眠

淵雅堂編年詩彙

卷三

六

偕沈芷生赴試崑山述懷四首

累試誠何得相隨又此行詎聞魁等第足謂士聲名意
氣從來盛疎狂意外成不煩頻見譽此見譽如國策田單所云粗解

重生平

每下何妨下招尤願寡尤憂虞增學問文字誤交游觀
世神干變論心佛一流畏人常避事豪宕近全收

歲歲春糧去吾生未有涯驚心幾儔侶回首好年華老
硬松分粒蹉跎桂欲華憐君久徵逐今昔倘同嗟

夢已繁華破心仍得失搖雞蟲原頃刻鸞鶴總雲霄斯
道還吾輩端居負

聖朝向來求舉意非止厭簞瓢

報景書常西寧來札

問訊賢公子多應幹濟勞詩將邊月到書就塞雲高暇
日勤餐飯中年足羽毛長卿秋雪句勿厭示吾曹

志雪

驚牖意外逗簷滴披衣出前庭瑤華淨堪拾臘
前有如是兆稔兼黍稷自忘樂歲飢失喜動顏色平生
憂樂心無田乃逾殖殷勤謝賸六辛苦謹天職似聞多
田翁米賤增私戚嗚呼銅沛飢直逮江以北雍豫屢偏
災黃河未底績使者仰屋梁制置勞輓給

淵雅堂編年詩彙

卷三

七

賜復與

賜租不住見

朝敕吾鄉獨何幸連年絕蠹騰農夫終歲勞輸課漕京
國農司有條目浮取慎顆粒如何久呻吟尙困吏培克
惟天實憫之錫此萬圭璧縣官方具狀報瑞急時刻小
人敢越畔麤糲祝飽喫未論飢溺懷所快易請糴

吾弟

時弟從昭信李公
渡海有事臺澎

吾弟平安否君侯近若何穴爭同螭蚌海信隔蛟鼉才
力飛騰在傳聞謬誤多相將慎忠愛早晚定風波

癸卯

春朝試筆十首

閏正三日即東風春在寒流積凍中思發花前花更早
水仙幾盞綠叢叢

花前讀畫燭雙紅題字旁行墨太豐多謝殷勤祝如意

本無何意著胸中陳子展先生寫
贈春朝如意圖

偶然能事便名家水墨中間寄一涯古木寒巖趣蕭瑟

畫屏點點畫昏鴉子展又贈煙樹歸鴉
一幅其得意筆也

新年留客共從容竹屋深談日下春如我合稱清絕否

蠟梅相伴過三冬是日青
城見過

去年今日拓牕紗花信攙先爛曉霞暖便暫開寒暫住

淵雅堂編年詩彙 卷三 八

不煩頻數慰梅花

依然禪榻待朝嗽橋酒遙知仔細温如此過年良不惡

只嫌還少鶴看門除夕往訪彭尺木先
生明門久之無應者

墨氣踈踈血色寒誤將忠孝作奇觀吾儕不合同驚訝

只當彈絲吹竹看開仲攜示所藏周忠介公子茂蘭崇
禎元年談宛血疏及黃孝子向堅萬

甲尋親圖二册暫留小齋尺木以書借觀且曰歲行
盡矣借此冰雪寒光作小牕清供殊勝彈絲吹竹

一意千秋石執如眼中餘事不關渠託言賀歲論文坐

自賀新成幾部書

長筵東來我所望裏糧莫厭暫治裘篷臆好共聽春雨

一路論詩到暨陽時方待開仲
來同之暨陽

布帆無恙倘乘潮消息難眞盼望遙正是養花天氣了
歸來和我種紅蕉弟聽夫自閩中寄紅蕉花子而未得
其種法時弟方有事臺灣久無消息

江陰道中船窗看雨感興獨題三首

人日梅花落滿林孤吹鐵篴到江潯載將船背三更雨
來聽濤頭萬鼓音驚世文章空爛漫得天草木暗森沉
春申墳下誰澆酒一種傷心對晚陰

當時同輩各翩翩此日相思竟惘然乘興黃泥曾一過
勝因飛絮又三年乞漿記有人如玉霑醉重來夢似烟
多恐小桃花落盡花前吾已入枯禪謂辛丑來謁彭芸
楣先生因與諸子

同過黃
泥芥事

淵雅堂編年詩彙

卷三

九

芙蓉江畔趁潮時小艇衝寒有所思連歲獨懷門客刺
新年偏失酒人期開仲莊生皆
失約不至傷春水上風仍阻懷舊
花陰雨到遲興盡自嫌投謁倦圍爐燒燭獨題詩

澣墅關書所見

澣墅繁華地家家春帖紅市聲千屐雨人語半帆風稅
關愁關吏裘輕快柁公閒鷗獨何意翹立暮寒中

雨夕菴居自寫

雨勒寒威夕漏長一燈孤坐竹閒房愁中芳草烟橫路
夢後梅花雪滿堂粥飯似僧惟少盃衾稠如客罷熏香
傷春傷別非無意容易人間解斷腸

書意

傷春傷別廿餘年幾欲修行懺法筵才子迴頭多是佛
美人彈指各成仙翻風荷葉珠爲露鋤雪藍田玉未煙
吾有圓蒲無恙在豈應祇結畫中緣

謂舊繪蒲團小影

和酬彭尺木

紹升見贈四首

藏園才大轉清深風雨冥冥海上琴那可箏琶間疏越

况將裋褐比華襟

尺木過譽以鉛山蔣心餘太史爲比

卷中無恙薛香聞珍重生前冰雪文不是流傳煩死友

義山寧識杜司勳

薛香問孝廉起鳳能詩中年謝世雖同里間未相識也尺木刻其遺藁今

以見示

澗壑堂編年詩集

卷三

十

相知雖晚夙生因絃外環中感意眞分我祇林香一瓣

山茶紅逗雪中春

俳詞隨世作呶嘍發覆剛逢最勝流天下名山三百六

要尋高處看清秋

落燈夕坐雨四首

春泥塞巷一句餘癡伴熏鑪索寞居梅信縱遲花自好

不會孤負試燈初

玉霄圓月幾時升上界神仙未可憑卻向落燈風裏坐

小臆聽雨護銀鐙

清臞翻羨鶴形肥絮已沾泥故故飛只怕清修彭進士

天花也著水田衣

雲酬雪倡意何如都只溪前屋後居倦僕衝泥忙不了

一封封是論文書

比與子展尺木倡和往反稠疊

雨雪不成夜坐聞鬼車烏作

癡雲戀雨撥不開掃晴仙檄飛蓬萊蓬萊誤署關滕六
浪費瓊塵幾千斛白鳳嬌憐未肯飛捎林點水空霏霏
籠柳嬌花凍無數墨雲漲天隔春路春陰沉沉春漏賒
鬼伯夜喜脂其車忽然有聲鬼口呀鬼馬冒樹踏老鴉
嗟哉雨師奉天職未可久滯爛新麥爾車速行住不得
雲外義和捧紅日

淵雅堂編年詩彙

卷三

七

敬次先文恪公集中玉延亭看菊暨送趙栗夫歸

省吳江二詩韻奉柬開仲兼示令子嶽青

齊嶧二

首有序

開仲爲明廣東按察使栗夫先生之後按察爲吳
文定公門下士與先文恪同翰林相善其倡酬之
作互見集中予五世祖母實開仲之高祖姑蓋自
先尙寶太常光祿以來兩家世相好矣不然何申
之以昏姻也昨年九月開仲翩然來爲老人壽信
宿荒齋追談舊事玉延亭者文定之所居也看菊
之集文定爲主而按察文恪爲之客一時名輩蔚

有篇章今文定後裔不可問予與開仲又皆貧賤
不振有足慨者然三百年後兩家子姓再聯文字
之遊松楸無恙祀事猶存雖名位去先人遠甚而
猶能讀先人之集相與愧厲奮發可不謂幸乎今
茲正月期開仲不來爰有此寄開仲於子爲中表
父行所居相距不二百里中間久斷還往莫悉所
繇自子與開仲以志業相得又六七年始克考知
乃叙始末書一通歸之以爲異日子孫之舊

勝朝門望各清華往事雲煙迹兩家題墓尙餘心鄭重

按察公之葬先文恪爲誌遺詩重觀墨欹斜先文恪送按察歸省詩墨迹尙存開仲家全

淵雅堂編年詩葉

卷三

三

荒橋俸黃千樹

子家洞庭舊業悉已蕩盡

無恙鶯湖綠

一涯

開仲尙居鶯脰

湖上爲問玉延亭畔路夕陽衰草不勝嗟

何妨卑伏看高飛共守緇塵未浣衣中表輩行憐我小
至交規切似君稀傳家事業惟詩穩閱世心情向佛依
慧業豈無歸宿處半生流浪好同歸

二月三日夢作詩醒記十字曰午風湖上路一月
畫中山殊不可曉比吾友芷生當就浙江學幕因
足成一律送其行

歌版鶯隄外鐘魚猿洞間午風湖上路一月畫中山興
發詩先到心空夢亦閒君行得佳勝遲我共躋攀

與沈芷生

清瑞

同赴江寧鄉試石執如

韞玉

自崑

山縣齋寄詩相送作此奉酬

使星南下省門開會有飛騰冠古才同輩早爲青選去
鄙人還著白袍來窮魚屢掉登龍窟病馬空嘶市駿臺
多謝故人敦勸意欲教蘇蠶起驚雷

附送王念豐沈芷生赴省試

吳縣

石韞玉

執如

驂駟道路逐風開籍籍江南兩秀才鎖院且看三戰
後星輶遙自九天來玉袞妙譽騰金馬沈約清詞付
玉臺卻喜眼中人未老龍門齊躍浪如雷

秋懷十二首

淵雅堂編年詩藁

卷三

三

良時常苦雨高臥又秋風出處從誰卜榮枯聽至公文
情唐宋外心學佛仙中陋巷歌聲在清寒抱始終

未敢論忠孝能無身世心二親將白髮累舉向青襟衣
食資彈鋏咸韶入鼓琴露蟬良自飽何事更啼林
有弟從軍府邊情亦自豪虎聲三塞狎龍氣

五陵高書札經時覓章箋早歲操依人總南北憐爾馬

蹄勞

仲弟從昭信李
公客馬蘭峪

兒女緣如夢翻教悔早昏死猶遲馬鬣生不責魚軒溼
鏡餘陳迹懸棺滯旅魂何時鐫一碣酌酒向郊原

謀葬
亡妻

累年終
未得地

當代持風氣何人第一流諸公宜自愛吾地有前修科第今方盛經綸古亦優鴻遵頻在陸非必稻梁謀

因讀洞庭賦

先文恪有洞庭兩山賦

長謠祖德詩世家寧宰相墨

義且人師問氣鍾非偶迴瀾或有之西風吹震澤波浪接天池

雪涕范喬硯傷心詒翼謀諱辰周十度

今七月二十日為先大父十周

日家祭及三秋江國虛祠屋楞伽副首邱

先大父為宣城教諭病革

請告不待報而歸去官之日人士設主學官旁舍供奉香火甲午冬營葬楞伽山塢課孫遺草在期望竟難酬

摧殘驕氣盡踈拙靜功便敦勉乘時志殷勤命世賢長

淵雅堂編年詩彙

卷三

十四

貧孤贊許餘恨負嬋娟未老難稱逸滄江愧曉眠

三間懸磬室一穗讀書燈蛛網捎斜桷蕉花映幾層英

華誰得掩羅織爾徒能觀物常多感行藏自撫膺

悵望青雲士同時不數公名門有才子法苑得英雄

謂彭紹升

允初絕業能肩重危言肯擊蒙此心滄海日中夕一輪紅

雄獨才難得知交信有神二汪

謂汪大紳編明之元亮

皆作者牆

壁老斯人識字能文後參禪應舉辰俊賢多不達吾敢

歎沉淪

溫卷曾無及槐花竟已黃韓歐科第出鼉董國家望黜

落忘羞恥規模拙揣量揚舡渡揚子一看怒濤強時將
試江

與芷生赴鄉試舟行鎮江道中有懷景大書常焚

史二仲芬善長因與芷生聯句作四十韻時景在

西寧史在邠州景由西寧北應順天試

鄧邵黃雲裏長洲王芑邠州黑水邊兩生皆作者沈清

生瑞芷一札動經年非意逢哀樂芑孫離居感後先景差

詞賦敏清瑞史起藝能僂侏體工因熟史善為四六棋

情癖未蠲景好蜚騰俱有氣清瑞磊落式無愆草草臨

歧語芑孫雙雙贈遠篇分頭悵天各清瑞屈指過程千

淵雅堂編年詩彙 卷二 五

書記清時賤史之尊考病歿邠州幕監司大郡專景以

觀察西寧中史往奔喪芑孫尊甫修觀電隨鞭軒豁交期在

往脩省觀芑孫蒼黃別緒牽官高公子貴清瑞客死藐孤孱廼紇

新傳箭芑孫敦煌舊控茲軍威伸白日清瑞妖孛掃青

天時回匪板屋三邊外芑孫潼關六扇前據鞍心極壯

甫平伏枕涕常漣謂景痘褐泥沙重芑孫番厨酒肉羶空

囊聞愈溼謂史清玉鏡報重圓景方問卜諧秦鳳芑孫招

魂喚杜鵑畫眉奩盞潤清瑞披髮寺棺遷婚曲翻伊篋

芑孫銘旌照渭川鶯花中歲好謂景清霜雪一冬纏

謂史鵬鸚盤空健芑孫麒麟野臥卷悲欣致相左清瑞

出處計仍懸書判唐科奏

芭孫

賢良漢格填素冠彈未

得史以丁憂不赴

鄉試

彩袖染應鮮料識西寧轡

謂景由西

寧赴順天

鄉試

應知北首邁盛名看入洛

清瑞

奇骨早歸燕為

想龍文筆芭孫

奚當雁足傳豹鵬殊隱見

清瑞

光采謝

珉瑤異地睽商榷

芭孫

吾人老槩鉛浪游傷蘂屈

清瑞

賭句迭蟬絲斷夢醒斜月

芭孫

孤懷亂夕煙百年誰捷

足

清瑞

二子夙齊肩爾我同攜屨

芭孫

江山付扣舷金

焦埋霧影

清瑞

洮陝隔星躔倂乘時志

芭孫

嗚呼失

路賢因聲寄珍重

清瑞

努力和長箋

芭孫

芭生領鄉薦第一送其北上四首

淵雅堂編年詩葉

卷二

六

掄元亦是尋常事陶董銖量陋不堪無意得之翻痛快

榜前壓服大江南

君才校馬未能過天路高寒隔絳河一語贈行三反復

立朝須怕受恩多

中訣喧談中者誰飛騰由命豈人為即看江上峰青句

豈是錢郎自作詩

眉匠

芭生所

詞成了夙因填詞雖好未宜頻都將布帽

彈箏事讓我無聊落魄人

芭生題子所著瑤想詞有布帽彈箏極可憐之句

銀河篇

銀河耿耿懸秋夕雲錦雙梭自成匹青鸞白鳳故參差

腸斷潘郎傷逝詩詩成潘鬢傷遲暮閒來更作閒居賦
覆水瓶空事莫尋斷紋琴在人何處處處芙蓉語未通
幾番霜葉墮溝紅秋蝶夢殘鐙幌裏曉鶯啼煞畫樓東
樓東城北樹交華隔霧籠烟一帶斜梔子香濃風旋折
合昏枝暝雨仍加風風雨雨常愁絕續愛追懼怕重說
紈扇無緣得聚頭綵絲宛轉翻成結誰道無緣別有緣
玉臺人月又重圓始知溫嶠重婚日猶及班昭待字年
待字芳年蕙草春可憐詞賦早知聞繡榻有書皆疊絮
鏡奩無帖不裝芸芸牕絮閣深窈窕讀畫彈碁總能了
小詩宜宋亦宜唐細楷臨歐不臨趙臨歐臨趙未全工
淵雅堂編年詩彙

卷三

七

己有人呼女侍中北征賦得江山助海氣孤城句子雄
墨琴過天津有寒風摧落日海氣撼孤城之句句子流傳無近遠何人不擬東
牀選選婿今生夙世因媒勞空復致殷勤殷勤恰便心
相阻不願侯家願梁廡崔盧門第總高華嚼雪含冰帶
絨吐繡絨吐盡掩銅扉自寫清心上錦機好花無意隨
流水輕絮多情欲上衣衣上好風吹不已月華孤浸心
如水江南雜樹亂鶯飛明駉整頓還鄉里鄉里歸來蟋
蟀鳴銀牀依舊獨吹笙花花葉葉論當對拓落王家有
一生王生貧病愁盈把壇坫東南推健者宮體能教裙
屐傳餘辭頗許公卿假公卿未暇惜才難霄漢聲華一

第艱懷刺人中空作達賜袍天上不禁寒寒深那有微
波託委禽卻得邀深諾早晚纏紅上酒缸不用門前射
屏雀屏雀交翔映綺疏洞房繚繞結青廬雙華燭照閒
情賦百和香熏博議書香殘燭燼人間世感舊憐新兩
橫涕重擷秋蔬薦殯宮傷心徐淑

子前娶徐氏

焚詩祭

附題詞

長洲李繩勉百

天合絃膠遇賞音妝樓月照對彈琴駕機肯漫分纖

素還費秋蔬一片心

謂篇末語

長洲彭紹升允初

寂寞繩牀風雨摧天然錦段倚雲裁桃花真個憐才

淵雅堂編年詩彙

卷三

六

子劉阮何曾發解來

吳江趙基開仲

雪後孤山萬樹梅芳心又見發春蓓牙籤斑管紅牕

裏一樣苦吟兩秀才

長洲張邦弼青城

早聞青鳥語殷勤銜出蓬萊一段雲要與文簫爭慧

業豫裁新樣織迴文

九轉鑪中五色霞劉綱夫婦總仙家詩成寶篋同珍

護數襯春風及第花

寶山李保泰齋生

震澤文章自昔年過江人物數翩翩珠璣百斛隨風
灑準與黃姑作聘錢

青浦 胡鼎衡 壽岳

絕代才華任爾狂銀河喚鵲只尋常新詩便是天機
錦傳遍人間字字香

吳縣 石韞玉 執如

琉璃硯匣珊瑚筆春色淋漓十指尖從此碧桃詩社
裏又添佳句入香奩

長洲 沈清瑞 芷生

分付鴛鴦擎繡帶丁寧翡翠護紗牕若非天意憐才

淵雅堂編年詩集

卷三

五

子美玉明珠那得雙

問姓曾題黃絹碑呼名應按紫瓊徽才人例有神仙
眷天上人間劉武威

金匱 徐 嵩 鏡唐

我在明河西畔回癸卯春予客臨洮臨洮在 大河之西故漢影東指等閒秋

去又春來眼中牛女佳期近分取銀箋詠玉臺

逸少風流我羨之春天爲譜繫紅詞他時乞我簪花

格小字眞珠寫色絲

長洲 尤維熊 祖望

妙奪何郎明月篇行間字裏意蟬聯漫將懽喜償離

恨雄劍孤飛已十年

念佛歸空事偶然三生石上善因緣不妨小結繁華
夢劍影花香護靜禪

吳縣 詹應甲 鱗飛

葑水迢迢接斗檜鵲橋秋渡五雲車西風一夜鉞樓
月開滿人間吉慶花

淋漓跌宕有王郎吟到奩臺字亦香分我七襄機上
巧畫屏銀燭賦催妝

華亭 王 鼎 調三

靈鵲無煩早結緣歸期緩緩待春妍白榆青桂看應

淵雅堂編年詩藁

卷三

三

慣別賦翻皆紅藥篇鐵夫方應 召試

補和汪明之先生元亮九日讀陶因而自序之作

二十韻

淪落居然在升沉聽所如插萸過九日餐菊感三閭斯
道將何底吾生保太初干時奇效寡得句薄愁祛節物
重陽負聲名壯歲虛鹿今慳夏屋稽古儉冬儲宿德誰
如爾精篇肯示余傾辭倒河漢老筆扶夔臚集韻丁兼
李增文許得徐明之方撰韻書以宋丁度李淑 所詳定集韻為主而又益廣之形相差
可並予與明之 皆短軀藝擅不留餘義奧層層闢經筵縷縷梳
辛勤辨跟肘芳臭別椿樗玉筋紛垂薤金釵剝斷苴養

高居有相憑健出無輿惰喻莊生馬禪參佛印豬君能
觀海嶽我欲詠汾沮讀賦存調語鈔書乏小胥情苗留
雪護學莽撥煙鋤努力良辰愛驚心急景除終當問奇
字言就子雲居

傅紅戲作四首

織縑織素漫分量鳴鶴東西自一廂讀畫彈碁看總好
只愁天壤笑王郎

十年流水抱孤桐剋羽停商一樣工解作人間斷腸句

他鄉秋盡雁聲中

墨琴
舊句

珊瑚筆格玉蟾蜍勤仿簪花午繡餘好與藝林增故事

淵雅堂編年詩藁

卷二

三

鐵夫題句墨琴書

填河靈鵲報新期準辦妝奩未許遲一物不消將得到
只須多載畫書詩

淵雅堂編年詩藁卷三

淵雅堂編年詩藁卷四

長洲王芑孫念豐

甲辰上

聖駕六巡江浙恭紀詩

謹序

天篤我

國家右我

聖人既聖且壽

聖人康之惟敬惟誠惟夙夜寅念

祖宗恢鴻厥緒以庥賜萬世於是乾隆四十九年河防

海塘以次告功

淵雅堂編年詩藁

卷四

皇上俞江浙督臣之請六巡於南菴厥成勞亦以應江

浙士民望幸之忱也既啓

鑾紆道

闕里躬升盟薦巍巍肅肅上儀炳作天下幸甚幽明

歡喜

臣

竊惟必義畫卦黃帝定律皆始一以至於

六匹之爲十二演之爲六十四迭乘再倍錯綜其

數極之無算而元會運世之統在焉蓋成於六者

又始於六也六者備德也德不備不可以爲美一

者誠也元德也惟誠不貳故不息

皇上躬乾元之德膺受大備得一以貞用六而始繼自

天
今時乘六龍以敷錫福於庶民哀時之對報答

祖於萬斯年如日方出猗與休哉蓋非尋常算數之所
能紀矣詩有之曰豈弟君子來遊來歌惟茲東南
士庶願望深矣易有之曰君子以教思無窮容保
民無疆卽我

皇上市方觀民設教之盛心所欲與吏民相見詎有滉

既乎哉

微臣

躬廁膠庠蒙

國家教養之澤甚深甚厚曩者獻詩

行在蒙

淵雅堂編年詩彙

卷四

二

恩召試與乎文綺之

賜感激榮幸莫可名言今茲匍伏道旁得親望

穆穆之光踴躍蹈舞有不能已竊依古四言換作千四

百字指事載實具紀

聖天子六巡之盛謹拜首稽首以獻其辭曰

闕逢建歲孟陬之月朔日維亥越丁酉吉

帝于南巡宣告中外

鴻儀六舉鏤哉瑰喬執

天之行紹

仁皇烈天苞地符丕應糺需

彤闈曉開勾陳簿列攀星挂旗舉雲奉獻駕龍十二禁
麗郵偈千官景從萬靈翊衛

帝厘民依春

祈典察上幸嘉薦禮成廼發穆惟

皇帝敬詣魯

闕惟先後

聖道揆協壹肸蠻金絲鎗洋葆佾收收茂對通之宥密
云壇岱觀次舉咸秩非伊禪封

麻佑是答諸所宜行

敕下如制叶既歡東人惠此吳越先是有司宣

淵雅堂編年詩藁

卷四

三

制有曰朕惟河海無疆其恤汎候非時庸坊毋忽乃者
黃流閒歲或決陶莊高堰增繕告訖枕嘉之民濱是解
渤牙牙地執萬濤春鬻斬薪負土恐恐萬一忽然之間
不暇嗟咄既更以石捍患倉卒亘數百里縣紆碑硯曩
者五巡累勤親閱誕念

前勞遞增七八

仁皇

憲皇綢繆至悉朕敢不承而費是計叶朕敢不費而不
親莅三載以來諸役嗣畢吏酌民言望幸綦切於戲民
懷抑又能忍掌舍別官視舊爲率他諸供頓度支判撥

罔或封靡封靡朕望大吏瞻黃

天章昭揭士民頌慶街巷談說旦夕歆嚮以迓

清蹕伏惟

皇帝福祿祥萃叶化承

祖洽道與

天幹化成道久龐洪垓圮四十九年虔鞏滋摯叶唯敬

唯誠孜孜汲汲揆我

大文煥乎彪蔚叶

聖文五百義軒奧秘叶

御詩三萬南薰奉律羣書進

淵雅堂編年詩藁

卷四

四

覽丹臺釐別館局儒臣汗僮窘誦

敷言示極或俞或咈唯諾千聖爲世先覺奮我

皇武九有有截兩川逋誅膏我斧鉞伊犁回部入我笞

撻蒙古王公分茅授節託在肺腑篤忠親暱朝鮮世臣

賜之璽紱朔藩諸汗敏關請乞游牧衣糧賴我生活濛

汜我池崑崙我埵一尉一候罄天包括

大孝備矣

橋山展謁

四駕于東合歡芬苾金匏奏嘉玉齏陳潔

編詩

著賦以麗萬世叶所寶惟賢

知人則哲職官定考釐正予奪

天譴謫民痾瘵惻怛相協厥居與天陰騭

幾暇濡毫志雨志雪遐壤偏災疏

聞以駟蠲漕蠲賦累萬萬鎰既作辟靡湯湯環澈虞膠

周序敦進儒術四庫鑄華簿錄甲乙副之名山飭士快

讀叶文宗三閣相望瓌傑曲樓功葳龍岡樹碣儀考新

流安瀾循轍探源星宿板松是達前席使臣歸自天窟

凡斯

盛舉章炳綸縉事鉅功閱陰陽帥書幽明獻期蜚英騰

淵雅堂編年詩彙

卷四

五

實省方展義禮不可訕至德要道非云黼黻抑而弗施

神人望缺天保報嘉惟民之質懿茲

六巡恩周誼洽

聖敬日躋所其無逸天地鬼神恭謹職位叶扶績效能

赴我昌備叶海塘言言河隄屹屹支祈偃蹇伏就徽繼

柴鑲土餞計周不拔天吳海若捫之戶闔彈壓蛟鼉保

又江浙自我

天覆無有災疾於皇

時巡賅舉本末

輦路所經歲征普豁商廬賈舳道旁香蕤鏘鏘譽髦

殿前給札騶虞在御蒐軍簡卒引對羣僚廉升曠黜銀
帛道頒捧拜耄耄兒子酣嬉番番黃髮開口仰稱無量
壽佛弟子置員廣厲特設平讞叙勞信賞薄罰無美不
殫靡隱不徹甘雨隨

車優是吟暇春風在

旂對時育物川情嶽秘躍就

天筆舜歌禹篆盤龍抱霓

珠庭日角有眸霽悅道勝故腴德充彌茂叶過化存神

滂施洋溢自我

天覆安恬寧謐寢仁饋義飲食飢渴有粟盈缶有酒在

淵雅堂編年詩藁

卷四

六

室冬寒有裘絮夏有葛牛羊在澤雞棲于桀長養兒孫

女機男璣孔邇

父母瞻雲夢結有加無已我顧我復叶康衢華封意誠

辭拙懿茲

六巡澤神哉沛叶非私于南

皇祖是述觀

祖之光丕

天之伐純亦不已爲

天配匹自今伊始

鴻章繼作叶時邁之

勳與天地際

壽民

壽世恢無垠垆兩旦於天再中者日

皇帝有道萬有千歲

叶小臣

作詩慚惶撫掇金泥玉檢

以待籀頌

送陳受之

毓咸

會試北行

受之無端由年輩入恩貢忽然爲舉人翹首望丹鳳久
癢略許搔爲快亦已痛廿年遭斥棄一旦被吹送試思
此因緣何者足抗控平心覲化紐無乃皆偶中一提偶
之言萬事雪消凍揣摩固無功營競詎有用知君老無
敵不復可誘弄坦坦利鈍間以示後生重雖然標梅人
綃帳積春夢君之長安道善爲諸君諷容成御萬女造
父擘八鞞當其得意時要在心不動

袁惕三

璉

求作五言古詩爲贈率爾應之

惕三古崎人寄身屠沽中早年從舉場意氣蟠心胸讀
書破生產踰躋空章縫幡然惜身世擇術審去從打頭
一間屋野店吳城東常常廢書起雜作在保傭販脂豈
云賤鬻畚志則同貴賤視所爲詎以市道蒙久之大積
聚穰穰困倉豐惕三一不有斥與族屬通延師教羣從
夕諷鐙窗紅還聞築場圃託業兼士農籃輿子弟荷給

役敏且恭分湖一村聚風德皆雍雍乃知始所爲匪獨
爲球窮田宅聊自污消耗初心雄官非卜式貴策無計
然工重操故時技低首待至公懷哉蟋蟀詩良士敦初
終伊子久拓落貧病成疎慵何當勺餘智令我囊底充
索詩慚負負作草仍匆匆

題蔣八季和

惠華

柑酒聽鶯圖

今年騎馬石頭城攜酒看花一月行雨橋喚渡家家柳
晴館催詩樹樹鶯鶯喚春深燕啄泥柳花吹雪亂沾衣
新潮三尺歌三疊送我金門下第歸歸來四壁隣生事
三逕仙人送書至雙柑斗酒寫新圖布襪青鞵自高寄

淵雅堂編年詩彙

卷四

八

寄圖索句殷勤道謂我題詩頗能好豈知己似送春鶯
風前舌澀圓喉老嗟君挺挺佳公子第八才名最清綺
諸蔣科名歲接聯瑤琴孤抱惜嬋娟嬋娟一曲碧雲低
心事如花掃地飛舊夢銀鞍三輔北新詩紅硯百華西
季和居西 詩闌夢醒足徜徉卷軸雲煙引興長聽鷓有
百華巷 興何須戴寓蝶無心本是莊莊生齊物未能齊挈榼提
壺命小奚自踏濃陰過曲岸又吟殘月向斜隄多將曲
裏縣縣思付與林閒恰恰啼

何子勵

遠昌

招同鄭顧唐三茂才納涼瑞光寺越

宿而歸用杜工部遊何將軍山林十首韻兼呈明

府丈 世珩

不道何公子來居四百橋
蝸廬雖寄迹鶴意自凌霄
選勝攜儔去追涼遣騎招
城南足幽討跋馬未辭遙

苦雨幾時歇招涼此地清
夢回晨帳蝶啼老夏窗鶯
留客餐紅麪呼奴治玉羹
更尋蓮社約鄰寺晚經行

勝集皆厨顧高談合許支
日銜靈鷲塔雲靜白龜池
有詩白龜聽經池 慧業千華墮
雄心一劍知前緣共香火
肝膽佛

邊披

可惜神明宰攜琴罷種花
天邊失鵬鷲胷次鬱龍蛇
宦藁松陵積歸心蜀道賒
興酣猶步履同到法王家
明府知吳

淵雅堂編年詩藁

卷四

九

江縣望議去官

酒榼雙攜至茶瓜一席開
風頭捎碧柳雨腳過黃梅
歸

客抽帆住清賓謝幕來
鄉音三地別嘉會感岑苔
明府父子

蜀人鄭顧唐皆浙人

髯也 謂鄭四茂才淦 真豪健
當杯論酒泉顧瑛詩絕好
唐勒賦

纏緜失路嗟純璧
依人戀聘錢茲遊殊邂逅
人物亦斜

川

霞外耽奇賞風前領妙香
世情歸熱鬧吾輩住清涼
澡

雪凡心換慈雲覺海藏
良時那容易城堞暮煙蒼

心香蘭浹洽身事燕差池
難得偕攜屐何妨倒接離
追

陪況君子期許各男兒桐葉石闌下詩情點筆隨

豹隱終窺霧鵬搏自接雲君才能好學吾賤敢論文讀
畫朝簾捲攤書夜漏分願言同所尚敦素掃塵紛

信宿寧嫌數招攜幸幾何炎涼無定在風雨夜來多拓

落青雲客徘徊白雪歌還當邀瘦沈乘暇日相過

是日遲並

生不

立秋日偶成四首

卽目憐生事飄然身世浮螢棲半牆雨桐響一窗秋耿

介尊吾道風華避俊流蹉跎三十歲天地一輕鷗

有命忘窮達非才果謬迷四從鄉試役兩對制科題鬪

淵雅堂編年詩集

卷四

十

健當秋蟀心孤失旦雞諸公殊袞袞翹首五雲低

興盡嫌浮譽塗窮奉至誠英雄惟有骨仙佛總無聲河

嶽蟠空大星辰照地生置身高絕處萬古羽毛輕

栝柏千年幹鷓鴣萬里心風搏一踏蹬雪壓遂侵尋碌

碌柯邊奔寥寥海上琴簞瓢亦何厭原憲日長吟

病中雜感八首

身賤幽憂積時衰瘧鬼侵暗蟲悲急景孤燭照長吟道

妙從微會文心屢變深飢寒吾分定扶樹愧知音

暑夕披裘坐青春倚杖歌三星懸玉樹八月賦銀河秦

贅憐新鏡蘇盤感舊校男兒好心事婚宦尙蹉跎

時將續娶

枯桑風外轉涼雨竹閒深物意爭榮悴秋聲無古今
邱園藏佛路鸞鶴抱仙心飯鉢蕭然地孤雲託暮陰

回鶻何遺孽西陲歲不安似聞侵狄道前此撼臯蘭餽
餉三邊集旌旄六月寒大軍恭

廟略褒鄂又登壇時海侯福男帥禁兵出勦逆回田五於甘肅

弟有從軍志君侯必請行飛騰過健鶻談笑踏長鯨口

北風霜緊江南芡稻成從公早歸馬安穩報而兄仲弟從昭

信伯李公奉堯於馬蘭峪公兄侍堯以陝督罷事而賊未即誅恐公遂請行而孥弟與偕未可知也

景莢史善長平生舊音書莫記存好抒經國計同弔戰

場魂凶歲民多暴平時吏亦尊螳撐嗟小醜公相在旗

淵雅堂編年詩彙 卷四

門時大學士阿公視師

交契慚子負人情到我真何生遠昌切推解簷子應甲卹孤

貧道義彭宣篤允初先生詩篇趙嘏親開仲報恩空有淚終恐

墮風塵

忽作長安笑依人事遠遊空拳思實獲熱地保清修臺

恐黃金峻歌誰白雪酬此行登岱頂煙點看齊州

